

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-19520/24
Sarajevo, 20.9.2024. godine

Na osnovu člana 72. stav (3) Zakona o javnim nabavkama BiH („Službeni glasnik BiH“, br. 39/14, 59/22 i 50/24) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine i broj 02/12-04-21075/24 od 23.8.2024. godine, a na preporuku Komisije za javnu nabavku radova, Općinski načelnik donosi:

ODLUKU

I

Stavlja se van snage Odluka broj 02/12-19-19520/24 od 10.9.2024. godine o izboru najpovoljnijeg ponuđača u postupku javne nabavke Izvođenje radova na izgradnji naseljske saobraćajnice sa priključkom na ulicu Bulevar Meše Selimovića (broj obavještenja 422-1-3-158-3-213/24 objavljeno na Portalu javnih nabavki BiH dana 31.7.2024.godine i u “Službenom glasniku BiH” – Oglasnik javne nabavke broj 54/24).

II

Okvirni sporazum za javnu nabavku – Izvođenje radova na izgradnji naseljske saobraćajnice sa priključkom na ulicu Bulevar Meše Selimovića (broj obavještenja 422-1-3-158-3-213/24 objavljeno na Portalu javnih nabavki BiH dana 31.7.2024.godine i u “Službenom glasniku BiH” – Oglasnik javne nabavke broj 54/24) dodjeljuje se drugorangiranom ponuđaču “Orman” d.o.o. Kiseljak sa ponudom u iznosu od 299.075,89 KM bez PDV-a, odnosno 349.918,79 KM sa PDV-om, a nakon što je prvorangirani ponuđač „Demus“ d.o.o. Sarajevo obavijestio Ugovorni organ da nije u mogućnosti dostaviti dokumentaciju traženu tačkom 5.8.1 tenderske dokumentacije.

III

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

IV

Obavezuje se ponuđač iz tačke I ove Odluke da dostavi dokumentaciju traženu tačkom 3.1.3. tenderske dokumentacije koja se odnose na član 45. stav (2) tačka od a) do d) Zakona i dokumentaciju traženu tačkom 3.3.2 koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda. Konstatuje se da je ponuđač u ponudi dostavio dokumentaciju traženu tačkom 5.8.1 tenderske dokumentacije.

Obrazloženje

Odlukom broj 02/12-19-19520/24 od 30.7.2024.godine Općina Novi Grad Sarajevo pokrenula je otvoreni postupak javne nabavke – Izvođenje radova na izgradnji naseljske saobraćajnice sa priključkom na ulicu Bulevar Meše Selimovića, broj obavještenja 422-1-3-158-3-213/24 objavljeno na Portalu javnih nabavki BiH dana 31.7.2024.godine i u “Službenom glasniku BiH” – Oglasnik javne nabavke broj 54/24 od 09.8.2024.godine.

Zapisnikom o otvaranju ponuda od 22.8.2024. godine Komisija je konstatovala da su u predviđenom roku u propisno upakovanim kovertama pristigle tri (3) ponude ponuđača:
1. "Orman" d.o.o. Kiseljak, 2. "Demus" d.o.o. Sarajevo i 3. "Ame" d.o.o. Breza.

Nakon što je Komisija utvrdila da su pristigle tri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku. Komisija je utvrdila da ponuđač „Ame“ d.o.o. Breza ne ispunjava kvalifikacione uslove tražene u tenderskoj dokumentaciji iz tačke 4.1.1. Priprema ponuda gdje stoji da su *ponuđači obavezni da pripreme ponude u skladu sa uslovima koji su utvrđeni u ovoj tenderskoj dokumentaciji. Ponude koje nisu u skladu sa ovom tenderskom dokumentacijom će biti odbačene kao neprihvatljive, sve u skladu sa članom 68. Zakona.* Uvidom u dostavljenu ponudu Komisija je konstatovala da ponuđaču u sklopu predmjera radova na stranici broj 16 ponude Stavka 7. SVJETILJKA S1 LED ulična svjetiljka... nije upisao tip, model niti proizvođača svjetiljke što je bio obavezan učiniti u skladu sa navedenom stavkom predmjera radova za javnu rasvjetu.

Iz naprijed navedenih razloga utvrđeno je da je ponuda ponuđača „Ame“ d.o.o. Breza ne ispunjava uslove tražene u tenderskoj dokumentaciji iz tačke 4.1.1. Priprema ponuda, te je ponuda odbačena shodno odredbama člana 68. stav (4) tačka i) Zakona o javnim nabavkama, odnosno da je ponuda nepravilna.

Nadalje, Komisija je pristupila analizi i procjeni preostalih ponuda, te utvrdila da dostavljene ponude ponuđača "Orman" d.o.o. Kiseljak i "Demus" d.o.o. Sarajevo ispunjavaju kvalifikacione uslove tražene u tenderskoj dokumentaciji. Izvršena je računaska kontrola ponuda te je konstatovano da su dostavljene ponude računski ispravne.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 80/23) zakazano održavanje e-aukcije na Portalu javnih nabavki BiH za dan 06.9.2024. godine sa početkom u 12:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-158/24 od 06.9.2024. godine, Komisija je utvrdila da nije bilo podnošenja ponuda te da konačna rang lista izgleda kako slijedi:

1. "Demus" d.o.o. Sarajevo sa ponuđenom cijenom za okvirni sporazum u iznosu od 298.858,90 KM bez PDV-a,
2. "Orman" d.o.o. Kiseljak sa ponuđenom cijenom za okvirni sporazum u iznosu od 299.075,89 KM bez PDV-a.

Shodno naprijed navedenom donesena je Odluka broj 02/12-19-19520/24 od 10.9.2024. godine o izboru najpovoljnijeg ponuđača, kojom se ugovor za predmetnu javnu nabavku dodjeljuje ponuđaču „Demus“ d.o.o. Sarajevo. Tačkom III naprijed navedene Odluke propisano je da je izabrani ponuđač dužan da u roku od 5 dana od dana zaprimanja Odluke dostavi dokumentaciju traženu tačkom 3.1.3. i 3.3.2. tenderske dokumentacije, te da prije zaključenja ugovora dostavi Licencu za redovno održavanje cesta izdatu od Federalnog ministarstva prometa i komunikacija (original ili ovjerena kopija). Ponuđač je dana 18.9.2024. godine putem protokola dostavio dokumentaciju traženu tačkom 3.1.3. i 3.3.2. tenderske dokumentacije, ali nije dostavio dokumentaciju iz tačke 5.8.1 – Licencu za redovno održavanje cesta izdatu od Federalnog ministarstva prometa i komunikacija. Dana 20.9.2024. godine ponuđača „Demus“ d.o.o. Sarajevo je putem e-maila poslao informaciju broj 133-IX/24 od 20.9.2024. godine da ne posjeduje licencu traženu tačkom 5.8.1 tenderske dokumentacije, nego Licencu za obavljanje djelatnosti izvođenja pojedinih dijelova građevine iz područja niskogradnje izdatu od Federalnog ministarstva prostornog uređenja.

Shodno naprijed navedenom Komisija je dala preporuku za zaključenje ugovora sa drugorangiranim ponuđačem „Orman“ d.o.o. Kiseljak u skladu sa članom 72. stav (3) pod b) Zakona o javnim nabavkama.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar komisije

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

